



Bersama
Prof Dr Taufiq
Yap Yun Hin

Insiden serangan di dua masjid iaitu Masjid Al Noor dan Masjid Linwood di Christchurch, New Zealand pada Jumaat, 15 Mac lalu sehingga mengorbankan 50 nyawa tidak berdosa selain mencederakan ramai jemaah lain amat mendukacitakan.

Walau bagaimanapun, ia bukan kejadian pertama berlaku di sebuah negara majoriti bukan Islam dibabkan fenomena Islamofobia.

Pada Ogos tahun lalu, dua masjid di Birmingham iaitu Masjid Qamarul Islam dan Masjid Al Hijrah turut diserang.

Pada 28 Januari tahun

Persepsi salah terhadap orang Islam

lalu, situasi sama berlaku di Pusat Kebudayaan Islam di bandar Quebec, Kanada apabila tembakan rambang dilepaskan sehingga mengorbankan enam nyawa manakala lapan individu cedera.

Justeru, kes serangan terhadap masjid sebenarnya memberikan gambaran betapa seriusnya Islamofobia yang melanda negara majoriti bukan Islam.

Islamofobia merujuk kepada fenomena kebencian terhadap Islam atau Muslim. Masyarakat Islam khususnya di negara Muslim minoriti lebih berpotensi untuk didiskriminasi serta dilayan secara tidak adil.

Kes keganasan terhadap orang Islam di negara ma-

joriti bukan Islam bukan sesuatu yang asing. Namun, isu itu tidak diketahui secara meluas oleh masyarakat khususnya yang tinggal di negara majoriti Muslim.

Pada Julai 2018, Global News melaporkan satu serangan terhadap seorang Muslim hingga menyebabkan kecederaan parah di selatan Ontario, Toronto.

Serangan itu bermotifkan kebencian terhadap agama Islam dan umatnya. Masyarakat bukan Islam percaya Muslim cenderung melakukan keganasan serta menolak amalan toleransi, kesamarataan serta kehidupan harmoni.

Kegiatan ekstremis Islam menggunakan nama Islam bagi kepentingan kumpulan mereka menye-

babkan masyarakat dunia menyalahafsirkan Islam serta umatnya.

Ditambah pula media Barat sering memperbesarkan isu sedemikian yang mengeruhkan lagi keadaan.

Pada hakikatnya, Islam tidaklah seperti disangka sebagai pengganas atau ekstremis.

Islam membawa mak-sud sejahtera atau selamat, malah Islam amat menggalakkan manusia saling kenal-mengenali, beramah mesra dan mewujudkan suasana kasih sayang walaupun berbeza agama, budaya, bangsa dan keturunan.

Selain itu, fenomena Islamofobia juga berlaku secara tidak disedari. Ia boleh berlaku dalam ka-

langan Muslim sendiri.

Kenyataan menghina, mempertikaikan undang-undang, peraturan Islam serta hak asasi manusia dalam Islam oleh golongan tertentu (organisasi menggunakan nama Islam) juga boleh dianggap sebagai fenomena Islamofobia tidak disedari.

Sikap dan tindakan se-gelintir Muslim itu meningkatkan lagi persepsi negatif terhadap Islam. Ia bertambah buruk dengan propaganda media massa serta gerakan yang sering memburukkan imej Islam.

Merujuk data kajian, laporan serta maklumat mengenai keganasan dan jenayah, persepsi umum mengatakan orang Islam sinonim dengan 'terrorism' adalah sama sekali

tidak tepat.

Data Biro Penyiasatan Persekutuan, Amerika

Syarikat (1980-2005) menunjukkan, majoriti serangan pengganas iaitu 42 peratus didominasi golongan 'Latino' diikuti ekstremis berhaluan kiri (24 peratus), ekstremis Yahudi (tujuh peratus), ekstremis Muslim (enam peratus), komunis (lima peratus) dan lain-lain (16 peratus).

Ini membuktikan, persepsi mengatakan Islam mempromosi keganasan dan sinonim dengan jenayah awam adalah tidak benar serta sangat berlawanan dengan fakta dan juga realiti.

Penulis Presiden Persatuan Cina Muslim Malaysia (MACMA) dan Profesor di Universiti Putra Malaysia